


釋
徐
溝
鄧之誠署僉

地 160.21
942



釋徐溝序

予向不嫻經生考據之學。有時以吾人進化過程無不關係于空間及時間。則地理歷史學尙焉。大之究宇宙生物之演進。以至于吾人類。小之即知祖宗習慣之所居。爲予箇人呱呱落孳之地。既已生于斯。長于斯。將老于斯矣。則背後所負之至高無限之歷史。在此太原盆地中心之彈丸行政區域地。皆與我有至密之關係也。曾記少時有人質予以徐溝何義。即以涂水大夫知徐吾對。當時似以爲得解。至後亦未加以考究者數十年。歲甲子。假歸修墓。乃發讀藏書及余平日之所見所知。疏彙于一。約萬餘言。總爲一卷。曰釋徐溝。藁初成。邑人爭取傳鈔者數年。丁卯歸田後。復求得原稿稍爲增訂。復加標點。亟付剞劂。一以在教育上傳同邑後生。知此名之因而發愛鄉之感。一以校數年傳鈔之魚豕。而亟爲改正之標準。將爲吾考究地方所見之一得足矣。若云箸述。則吾豈敢。中華民國十七年邑人

釋徐溝序

劉文炳自序

釋徐溝

徐溝之字，舊縣志釋之曰：其地因金嶸二水會流徐徐而下，漲衝為溝，其城隨舊溝為限而築之，故名。光緒新志以為舊說附會太甚，水勢必迅疾而後衝激有力，既徐徐而下，何能為溝。涂徐字形相似，或昔時涂水泛漲為溝，以洩水勢，久之涂譌為徐，水性遷徙靡常，古人之徐川鎮，安知非因涂水取名後遂譌水旁為千乎？姑存舊說，俟博雅君子評考焉。此新舊兩志之說也。

徐溝之名，始于何時，尙未能詳，載籍可考者，宋元豐九域志曰：次畿清源縣有徐溝一鎮，金大定中即沿用舊鎮名置縣。縣志所考兩說，雖皆不無附會，然是否為徐為涂，既繫于溝，則其名之根據于水者，可以斷言。因平原之所謂溝，本非山中固有之溝，如郭家溝、李家溝，可以姓氏及其他納于溝而得名者可比。今先將涂徐之字在古今歷史地理上有關係者列舉之。

釋徐溝

存 變 叢 刊
一 之

一 春秋：昭公二十八年，晉魏獻子為政，分祁氏之田為七，以知徐吾為涂水大夫。

二 漢書地理志：榆次有涂水鄉。

三 鄴道元水經注：淳湖洞過澤澤南涂水注之，水出陽邑東北大嶸山涂谷，西南逕蘿蘆亭，南與蔣谷水合，水出縣東南蔣溪，水自蔣溪西北流，西逕箕城北，蔣溪又西合涂水，亂流西北入洞過澤。

四 水經注：費行曰：榆次縣故涂水鄉，晉大夫智徐吾之邑也。春秋昭公八年，石言于晉魏榆，服虔曰：魏，晉邑榆州里名也。漢書曰：榆次十三州志以為涂陽縣矣，王莽之太原亭也。

五 魏書地形志：陽邑有白壁嶺，樊陽水，八表山，徐水。

六 明天下一統志：金水河即徐水，出太谷縣東北大塔山。

七明天下一統志。涂水在榆次縣東南，一曰大涂水，出和順縣八縛嶺，西北流至縣東南十五里入洞過水，一曰小涂水，源出鷹山，西流入大涂水，西入洞過。

八水經注：洞過水逕受陽城東，又西蒲水南出蒲谷下。清董祐誠注曰：明一統志所謂涂水即蒲水。水經注涂水在原過水之下，即今金水河是也。

洞過之字水經注作洞過，唐以下書史作洞過或同，惟北魏地形志作洞過。

以上各書所舉之涂水有二：一源于陽邑東北大噸山涂谷之涂水；一源于和順八縛嶺之大涂水，與源于鷹山之小涂水合爲一而入洞過之涂水，是一爲入洞過澤之涂水，一爲入洞過之涂水。即一在原過水之下游，入與洞過同歸之洞過澤，一在原過水之上游入洞過水。以時言之，一爲春秋漢魏晉六朝時之涂水；一爲明清及今之涂水。明一統志且分析言之，既云在榆次縣南之有大小涂水發

釋 徐 溝

二

存 變 叢 刊

源于八縛嶺及鷹山，而又說明金水河爲涂水出太谷縣東北大塔山，於古今地理形勢朗若列眉，而戴震不察，以榆次東界南來流于洞過之涂水，即爲水經注大噸山涂谷之涂水，並以此大噸山即指爲魏書地形志之大廉山。戴東原本集興導江記此一誤再誤者也。光緒山西通志則較之戴震爲瞭然形勢矣。其山川考洞過水下而曰：水經注所言之武灌城在今榆次縣西南三十里，淳湖又在其西，似水經注之涂水，乃今之金水河。今日榆次之大小涂水，正水經注之蒲水南出蒲谷北流者。然因古今河道不無變遷，洞過澤又湮塞弗辨，而又不能無疑云云。由上之說，戴氏一誤于忘卻水經注之涂水爲出陽邑西南逕蘿蘿亭與蔣谷水合者，故有古冠今戴之嫌。再誤于噸廉之字相近以爲大噸即大廉，殊不知太行之山名大噸者不止一處，是古人對於山之一種廣義呼名。例如清漳水又南得梁榆水口水出梁榆城西大噸山，亦水經注所舉者。故水經注云大噸者，不必爲

一。即廉爲嘽，亦不必即爲一山也。至于通志所疑河道變遷及洞過澤未知所在，以下可以逐漸說明，于此可先得涂水之界說。

原過以下與洞過會澤之涂水爲古涂水，原過以上入洞過之涂水爲今涂水。換言之，即古涂水者以涂水幹名而入于洞過澤者也。今涂水者入于洞過之幹流已失其所以爲名而入于洞過澤者也。

是故明一統志與董裕誠水經注註之所謂金水河即古涂水者自無疑義，則可知今之金水河即六朝以上之涂水，今之大小涂水即六朝以上之蒲水也。且水經注所舉水名皆有由來，洞過之名據魏書地形志所載五水合道故曰洞過，可知合道以上之五水，雖有一水名曰洞過，不過以一較大之水用原過水合以後之名名曰洞過而已。自原過水合以後五水皆合則爲正式之洞過，自此以下至洞過澤，自澤入汾，皆名洞過水。且源于涂谷者曰涂水，源于蔣谷者曰蔣溪。

釋徐溝

三

存變叢刊

源于蒲谷者曰蒲水，皆因發源之地以名之，各有專名而不相亂。故在古時涂水不能與洞過亂其名，即在今時之大小涂水既于上游早入洞過，則亦不能于下游之洞過而又或號涂水。故于涂水名稱先得一結論：

涂水之名自春秋至六朝純爲今金水河之專稱，與洞過及其他各水皆無同名之關係。

復次，究其各水之水道：水經及水經注云洞過水出沾縣北山，其水西流與南溪水合，水出南山西北流洞過，又西北黑水西出山，三源合舍同歸一川，東流南屈逕受陽故城東，其水又西南入洞過水。洞過水又西蒲水南出蒲谷，北流注之。即今之大小涂水洞過水又西與原過水合。

魏書地形志太原郡晉陽下云洞過水出木瓜嶺，一出沾嶺，一出大廉山，一出原過洞下，五水合道故曰洞過。唐元和郡縣志原過洞在榆次縣東九里。春秋時趙襄子使原過洞三神之地，見史記原過洞在今榆次縣東源溝村。案唐縣即今縣治。西過榆次縣。

南側水有鑿臺元和郡縣志鑿臺在縣南四里西南逕武灌城西北。董注武灌城在今縣西南

二十里今名陳侃村又西南爲淳湖謂之洞過澤西入于汾譯以今地即洞過自今昔

陽縣地方接壽陽縣境會合諸水至榆次縣東境內有蒲谷之蒲水即今大小涂

水北來注之又西至今源渦與原過水合西流至縣南四里經過鑿臺側又西南

流逕今之陳侃西北又西南至淳湖洞過澤。

至于涂水水經注云出陽邑東北大曠山涂谷按陽邑在二漢晉魏皆爲太原郡之屬縣即

今之太谷陽邑鎮今距縣治十五里大曠山即今之大塔山西南逕蘿蘿亭南與蔣谷水合太平

寰宇記蘿蘿亭俗名落莫城元和郡縣志蘿蘿亭俗名洛漠城在太谷縣西北十九里太谷縣志云距縣

北十五里周八里今名落母村按落母今鄉音讀若六門(夕×入×△)蘿蘿落漠洛漠落母六門

皆同聲又蔣谷水今名象峪水出榆社恤張嶺下流逕太谷縣東北金史地理志太谷縣有蔣水太谷光

緒新志蔣谷在象谷旁水經注贊行魏土地記曰晉陽城東南一百十里有蔣谷大道度軒車嶺通于武

釋 徐 溝

四 存 變 叢 刊

鄉水出自東南蔣溪水自蔣溪西北流西逕箕城北水經注贊行春秋僖公三十三年晉

人敗狄于箕杜預釋地曰城在陽邑南水北即陽邑故城也太谷縣志箕城在城東二十五里蔣溪又

西合涂水亂流西北入洞過澤譯以今地即涂水出太谷今之大塔山西南逕今

之落母村南與蔣谷水合此水出今太谷縣陽邑之東南蔣溪東南向西北流逕

箕城之北陽邑之南又西在今之落母村地乃合涂水亂流西北入淳湖洞過澤

以上洞渦與涂水之形勢係以淳湖爲會點然則淳湖在今何地邪試由太谷東

北引一線至太谷縣城西北落母村再引向西北爲涂水向湖流線更由榆次之

東引一線經榆次縣四里之地又西南至陳侃村西北引長向西南爲洞渦水向

湖流線二線會點當在今徐溝城西北之地。

更以地質究之凡高原之湖皆爲鹹湖因所含多有食鹽綠化鉀綠化鎂綠化鈣

此等鹽分原爲巖石土壤內易溶于水之化合物所積例如死海 (Dead Sea)

含有鹽分約百分之二十六，中以食鹽爲多，其他次之，年久過濃時可以沈澱于湖底，爲鹽層。故湖無大小，皆有最濃之鹽分。古洞過與涂水之會點既在今徐溝城之西北，則知縣城西北之產鹽最富地方，羅白城、場營等各村，即水經注所云之淳湖洞過澤。然則淳湖何以至今不見邪？一由于沈積年久填塞而不復爲湖。一由上游開渠日多，洞過象峪涂水諸水均少餘水以注湖。

今日徐溝縣全境之地正在淳湖之東南，蘿蘿亭之西北，即涂水亂流合蔣溪後所流最巨之區。六朝以前，太原平原人口尙稀，考之史志，後漢太原郡縣十六人口不過二十萬，北魏時雖較多，然太原郡十縣人口不過二十萬，以今相比不及十之一，可以想見彼時荒田之多，荒田多則水道所以多，浪漫故涂水有亂流可知。今日自落母村西北至徐溝城西北產鹽之區，即涂水最巨時所經之場，其水道當在今日落母村西北四懷遠杜村清德舖甯家營內道宜武高花南尹北尹

釋徐溝

五

存 變 叢 刊

至城場營羅白等地，於此得一結論：

涂水在春秋至六朝之水道，祇有今太谷與徐溝兩縣之關係，與今之榆次地方毫不相涉。

然則漢書地理志胡以云榆次有涂水鄉，水經注胡以云榆次故涂水鄉，晉大夫知徐吾之邑邪？曰：兩漢晉時，凡今日榆次清源徐溝各縣地，皆屬榆次縣。故榆次有涂水鄉。魏書地形志榆次二漢晉屬太原郡。真君九年併晉陽。景明元年復當時太原郡所轄縣十，凡今日之榆次徐溝清源各縣地，在真君九年後屬晉陽。景明元年後俱屬榆次。酈道元著水經注時在景明元年之後，故凡於榆次所屬境內之可考者皆舉之。春秋之涂水邑，魏邑榆州里，漢時之榆次及涂水鄉，十三州志之涂陽縣，王莽之太原亭，皆北魏時榆次縣境內之古地，故悉以舉之。謂榆次縣有涂水，非涂水即榆次縣也。又春秋昭公二十八年晉分祁氏之田以爲七縣。

爲鄔，爲郟，爲平陵，爲梗陽，爲涂水，爲馬首，爲孟，皆爲縣邑之所在。涂水爲七邑之一，因實定名，必其在涂水經流之地。以汾東地形及水勢沿革推之，當在徐溝之南部，或則在今日太谷所轄之境內，亦爲近實。光緒山西通志曰：十三州志所謂之涂陽縣，漢初與榆次尙分，雖單文孤證，未敢據爲定論，亦可爲考古之資云云。余謂酈氏既據以爲言，則十三州志之所載，未必不實。今既證明涂爲今徐溝地，則已非單文孤證，故古來所謂之涂水邑，涂水鄉，及涂陽縣，皆與今日之榆次轄境毫不相涉，於此得一結論：

涂水大夫之縣，其轄有魏榆，或有之，至於縣邑，則必在涂水流域，即今徐溝或迤東之今太谷轄境，確不在今榆次境內。

至徐溝之爲徐爲涂，暫不俱論，祇究涂水可以知之。涂水之名原于涂谷，晉中諸山之谷，其命名時均在秦漢以上。周秦漢書之可考者，楊慎曰：漢書藝文志鬼谷

釋徐溝

六

存 變 叢 刊

區三篇，師古曰：即鬼臾區也。今本誤作鬼容區。說文：裕从衣谷聲。顧炎武曰：山谷之谷，廣韻雖余蜀古祿二切，其實欲乃正音，易之井谷，書之鳴谷，左傳之二濟之閒南谷中，史記樊噲傳之橫谷，貨殖傳之畜至用谷量馬牛，無不讀曰欲。且漢苦縣老子銘書谷神不死作浴神，今人讀谷爲穀，而加山作峪，乃音欲，非矣。余按漢書吐谷渾亦音突欲魂，吾晉諸山之谷，如今太原縣之風谷，藍谷，井谷，葦子谷，槐子谷，交城之葫蘆谷，文水之文谷等，凡谷無不讀欲。故知凡稱谷之地，無不最古。以上列所舉證之涂谷之名，之始當在秦漢以上，涂谷既古，其水其溝，則亦爲同時所有。所以涂徐之字，今日从水从干，固自不同，然古人讀聲，則無二致。就說文所見，凡荼，榛，徐，叙，荼，餘，餘，郟，徐，徐，余，餘，涂，畚，余，斜，除，餘，余，等字，在古原爲同聲。例如史記衛將軍列傳從至檣余山，索隱音桃徒，是古時余涂爲同音也。又如周沈兒鐘之涂王，說文古籀補云：當即徐王。周禮雍氏註：伯禽以出師征徐戎。釋文劉

本作郟戎，說文郟讀若塗。是古時徐塗爲同音也。且如确榭欒欒，密蜜，拂佛，喘湍之類，古人凡同聲而引義，或假借而代義者爲例甚多。塗之于徐亦然。魏書地形志太原郡陽邑有徐水。或職此故。然諸家皆以爲塗字之誤。因此書譌字太多，予亦未敢不疑。但稽之文淵文津兩閣四庫全書，與明萬曆監本，以及宋刊本魏書，皆作徐水。總之爲徐水，可以證明即爲徐溝之徐。爲塗水，亦足以證明爲塗水之徐也。或曰其與知徐吾有關乎？然無左證。於此得一結論：

塗水之塗因谷而古。塗徐同聲，或爲相沿互用。則溝之所在，或即爲徐。

至於金水兼名始於何時，此時尙未得有根據。若在魏晉以後別有原因，吾不知之。如自古即有此名，以與塗水並稱者，當仍爲塗之關係。即如史記索隱以檮，余之余音徒，而塗水之塗在春秋已有此名，可以想見當時之字未必已有偏旁。就周器所有之字見之，余之與金則易於相淆，如孟鼎之余爲命，而王伐郟侯敦之

釋徐溝

七

存 變 叢 刊

金爲全，郟鐘之余爲余，而公違鼎之金爲全，泉伯戎敦又爲全，以形推之，余金二文在當時未必不類於己三亥豕。然此可爲想像考證之一，尙未有其他根據足以證明也。

釋徐溝既竟，或曰古今水道固有變遷，然則塗水蔣溪胡以北遷邪？曰：自居民開渠引水，塗水蔣谷水金水河嶠峪河二者由太谷轄境出山後，今日多流於人爲之渠，已無自然水道。即如縣志所載金水河自太谷大塔山至雲母祠衆泉合流，經榆次縣境接入本縣大常東二社渠，以至集義村，復流至城之東南隅云云，其間劉家寨渠大常鎮渠皆人工引流，即爲本水之道。又縣志嶠峪河沿革，初則路經太谷縣城東南治地流入縣界城南十里之地，明萬曆九年南尹村鄉民挑渠引移縣南五里云云，三百年來城西南朱公橋下即爲東西橫流之道，然上游造渠日多亦不復見自然水經此橋下，則北遷之因一也。

又水自高地向下游流，必夾有泥沙俱下，謂之運搬作用。漸次失其運搬力時，則漸次停住，謂之沈積作用。水之運搬力，其關係有三：一、水量與水速；二、泥沙之大小及比重；三、化學成分是也。水量與水速關係，依 H.P. H. 氏之計算，水之運搬力正比例於水速之六乘，即水速若為二倍，則水在河底運物動力為六十四倍。若三倍，則為七百二十九倍。至於石屑沙泥之比重，常為二至三，平均約二。五。其在水中重量，比之在空氣中可以減輕二分一至三分一。且形狀之易於運搬者，如圓形較之稜角者易，更加以水量之大，則運搬之量比例亦增大。至於細微泥土中凡有易於水溶之化合物，如鹽硝等，可以分解於水，減輕質量以輸于遠處。故運搬之力愈大，沈積之果亦大。沈積之年愈久，則水道必因其高而遷移。然則何以北遷邪？曰：汾東山麓之形勢自北而南。在太谷之南又折而西向。故太谷轄境以西，汾水以東之地，南高而北下。而此山麓之地，又各有出山之水，日日運搬泥沙以爭沈積之高。故各水皆遞推而北移。如縣志所載嶠峪河沿革，初則流入本縣城南，是河之舊道。至乾隆二十四年秋水漲發，由太谷南席村改流于榆次縣之西范村南莊村而入大常鎮之南，則北遷之因二也。

釋 徐 溝

八

存 案 叢 刊

有以上二因，則古今比較不同如下：

- 一、自古之涂水道係由今之太谷落母村及本縣城南地方變遷至今城東金水河渠之道。
- 二、象谷水即蔣溪，自古在涂水南可以漸移于本縣城南十里之地，又漸移至五里之地，今更為南莊大常之渠道。
- 三、古以蔣溪入涂水，今反以金水入象峪水，且更失其自然之水道。
- 四、涂水蔣溪漸北移而行，今之水道，其南之回馬谷水一名五馬河亦竟遞推北遷而據一千數百年以前涂水亂流之域。

過去若此未來如何。



古籍电子书

欢迎您的光顾

网址：<http://www.xy980.net>

QQ:77815100 电话:15879335110

联系制作：古籍电子书工作室